



БОСНА И ХЕРЦЕГОВИНА
Брчко дистрикт Босне и Херцеговине
ФОНД ЗДРАВСТВЕНОГ ОСИГУРАЊА

BOSNA I HERCEGOVINA
Brčko distrikt Bosne i Hercegovine
FOND ZDRAVSTVENOG OSIGURANJA

Вука С. Караџића 4, 76100 Брчко дистрикт БиХ, тел. +387 49 211 102; 216 344, факс 216 115, ИБ 4600222830003:
Vuka S. Karadžića 4, 76100 Brčko distrikt BiH, tel. +387 49 211 102; 216 344, faks 216 115, IB 4600222830003:
web: www.fzobrcko.ba, e-mail: fzobrcko1@teol.net,

Broj: 015-180/8-62/25
Brčko, 13.08.2025. godine

Direktor Fonda zdravstvenog osiguranja Brčko distrikta BiH, na osnovu člana 18 stava (1) tačka j) Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, broj: 17/07, 1/08, 3/15, 7/15, 41/16, 42/17, 50/18 i 23/20) i člana 4 stav (1) Odluke o utvrđivanju programa finansiranja nabavke „MOLLII“ neuromodulacijskog odijela osiguranim licima Fonda zdravstvenog osiguranja Brčko distrikta BiH, broj: 015-180/7-UO-72/25 od 23.07.2025. godine, raspisuje

JAVNI POZIV

osiguranim licima Fonda zdravstvenog osiguranja Brčko distrikta BiH, oboljelim od multiple skleroze i cerebralne paralize, za prijavu radi utvrđivanja prava na finansiranje nabavke „Mollii“ neuromodulacijskih odijela za 2025. godinu

1. PREDMET JAVNOG POZIVA

Predmet Javnog poziva je utvrđivanje prava na finansiranje nabavke „Mollii“ neuromodulacijskih odijela prilagođenih potrebama osiguranih lica Fonda zdravstvenog osiguranja Brčko distrikta BiH oboljelih od multiple skleroze i cerebralne paralize, za 2025. godinu.

2. OBIM PRAVA

Fond osiguranim licima, koja ispunjavaju propisane kriterijume, odobrava i finansira nabavku „Mollii“ neuromodulacijskog odijela, i to:

- a) u ukupnom iznosu do 15.920,00 KM za odrasle osobe (od 15-27 godina) i
- b) u ukupnom iznosu do 14.780,00 KM za djecu (do 15 godina).

Ukupna sredstva za finansiranje „Mollii“ neuromodulacijskih odijela za 2025. godinu iznose 240.000,00 KM.

3. KRITERIJUMI ZA ODOBRAVANJE NABAVKE I FINANSIRANJA NEUROMODULACIJSKIH ODIJELA

- 3.1. Nemedicinski kriterijum je da podnosilac prijave ima status osiguranog lica Fonda
- 3.2. Medicinski kriterijumi su da se radi o osiguranom licu do navršenih 27 godina starosti koje boluje od neuromišićnog oboljenja, i to:
 - a) cerebralne paralize (u kategoriji GMFCS 1, 2 i 3)
 - b) multipla skleroze (vrijednosti do 4,5).

4. POTREBNA DOKUMENTACIJA

Podnosioci prijava po ovom Javnom pozivu dužni su, kao dokaze ispunjenosti kriterijuma iz tačke 3, dostaviti sljedeću dokumentaciju:

- a) uredno popunjena i potpisana prijava;
- b) prijedlog za nabavku neuromodulacijskog odijela izdat od strane nadležnog ljekara specijaliste neurologa/pedijatra/neuropedijatra na odgovarajućem obrascu;

- c) medicinska dokumentacija kojom se dokazuje da se radi o licu oboljelom od neuromišićnog oboljenja cerebralne paralize ili multiple skleroze (otpusno pismo/nalaz i mišljenje doktora specijaliste neurologa ili neurološkog konzilijuma iz referentne ugovorne zdravstvene ustanove kojim je uspostavljena dijagnoza od neuromišićnog oboljenja cerebralne paralize u kategoriji GMFCS 1, 2 i 3 ili dijagnoza multipla skleroze vrijednosti do 4,5);
- d) kopija nalaza i mišljenja doktora neurologa ili neurološkog konzilijuma iz ugovornih zdravstvenih ustanova koji na osnovu uspostavljene dijagnoze indicira potrebu za tretmanom neuromodulacijskim odijelom;

5. NAČIN OSTVARIVANJA PRAVA

- 5.1. Fond po podnesenoj prijavi osiguranog lica utvrđuje ispunjenost propisanih kriterijuma, nakon čega, ukoliko su kriterijumi ispunjeni, prvostepena komisija Fonda za utvrđivanje prava na zdravstvenu zaštitu donosi Odluku o pravu na nabavku neuromodulacijskog odijela na teret sredstava budžeta Brčko distrikta BiH.
- 5.2. Fond će po podnesenim prijavama odobriti ukupan broj odijela do iznosa utvrđenog budžetom Brčko distrikta BiH za 2025. godinu.

6. OSTALE INFORMACIJE

Sva dokumentacija koja se traži javnim pozivom mora biti original ili ovjerena kopija.

Zainteresovana osigurana lica Fonda, Javni poziv i obrazac prijave mogu preuzeti na službenoj internet stranici Fonda www.fzobrcko.ba ili u zgradi Fonda, na adresi ul. Vuka S. Karadžića br. 4, počev od 18.08.2025. godine, u vremenskom razdoblju od 07:30 do 15:30 časova.

Ovaj Javni poziv je otvoren od 18.08.2025. godine do 01.10.2025. godine.

7. MJESTO PODNOŠENJE PRIJAVA

Prijave za učešće po Javnom pozivu sa dokumentacijom iz tačke 4. ovog Javnog poziva, potrebno je dostaviti u zgradu Fonda, ul. Vuka S. Karadžića br. 4, šalter 6, najkasnije **do 01.10.2025. godine, do 15:30 časova**, sa naznakom „Prijava na Javni poziv za za dodjelu neuromodulacijskih odijela za osigurana lica Fonda", u zatvorenoj koverti – NE OTVARAJ.

Informacije vezane za predmet ovog Javnog poziva mogu se dobiti na telefon: **049/211-102**.

Kontakt lica: Samir Haračić i Mirsad Redžić

DOSTAVITI:

- 1. Oglasna tabla Fonda
- 2. Službena internet stranica FZO
- 3. Šefovi Službi FZO (3x)
- 4. Interni kontrolor
- 5. Evidencija
- 6. Arhiva

DIREKTOR

Radomir Nikolić, dipl. pravnik